

奢華○傳達師友書信不得私拆窺視○入師友房不得亂
將經籍翻視○入城市不得顧視女人不得睨視女人○
不得盜聽說法○不得傾聽○不得聽淫樂○不得聽笑談
雜話○不得聽唱歌曲○不得隔垣傾聽人語○師誦經講
道當起敬諦聽不得雜聽

言語威儀

入法堂及侍師席不得高聲言語亦不得大聲咳嗽○不得
多言○不得疾言○不得效市語隱謎○師不問不得言○
師語未了不得言○不得言人過失○不得言士俗家務○
不得言朝廷官府事○不得言閨閫事○不得言爲媒爲保

道藏輯要

初真戒

咒

張集七

事○不得非時言道法○不得與婦人低聲密語○不得與
少年子弟笑談戲語○飲食時不得言語○寢息時不得言
語○有親友來訪不得在法堂久坐交談當在林下水邊方
可傾心坐論○質疑詢道當禮拜致敬○師有問當禮拜敬
對不得強不知以爲知執己見以爲是○如問家常事不必
禮拜當據實對○對士俗不得言爐火黃白術○不得言彼
家術○不得言符咒幻術○不得言風罵雨○不得言一切
傍門小術○不得言外教優劣

盥櫛威儀

頰漱吐水當徐徐引下○不得高聲嘔吐唾涕○夏月盥器